



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三〇七

笏山詩集十卷 申甫撰

一

滋樹堂文集四卷附崇祀錄一卷 孫景烈撰

六九

柏香書屋詩鈔二十四卷 張鳳孫撰

一九七

柳圃先生文集六卷柳圃先生別集四卷 錢廷文撰

三五五

野客齋詩集八卷 毛曙撰

四四一

序

今上龍飛元年海內薦鴻博者

山公同

召試於

保和殿上報罷寓長安諸詩流文宴往往僕邀相從及
余改官外用贖以詩者無慮數十家惟笏山七律四章
羣推絕唱不減楊汝士之壓元白也冉冉六十年徵士
零落盡矣惟存余與錢籜石閣學二人籜石儼然病廢
今年相見秀州猶彼此誦公詩不置已而路過邗江公
子嘉祐以公詩索序余思後死之責舍我其誰然而今
之爲詩者非余與公當日之爲詩也有以數典爲工者

笏山詩集

有以貌襲矜者有泥於古者有蔽於今者有乘人而鬥
其捷者雖人人見貌自臧律以性情二字抑末也惟公
掃而空之修然自束清峭不羣取之於人意之中得之
於物象之外安得喚公復生擁而置之壇坫之上令後
生北面而事之哉卷中唱和諸人如元木循初念慈稚
威少儀皆好余者音塵永斷一旦遇之於字裏行間如
謝瞻高允之重譜金蘭頌徵士也悲喜之餘凄然淚下
且當日余年最少每坐必居末位笏山亦豈料身後文
章待表揚於可畏之後生哉諸君子九原有知定當異
音同嘆然而余年已七十又七矣嗚呼
乾隆壬子除夕前二日同徵愚弟錢唐袁枚拜序

笏山詩集目錄

卷第一

古今體詩八十一首

卷第二

古今體詩六十八首

卷第三

古今體詩九十八首

卷第四

古今體詩七十二首

卷第五

古今體詩六十六首

卷第六

古今體詩五十首

卷第七

古今體詩六十五首

卷第八

古今體詩六十一首

卷第九

古今體詩四十九首

卷第十

古今體詩四十六首

笏山詩集卷第一

江都 申甫 及甫

修文書院看梅題壁

倚闌橫水闌芳新看到梅花又一春分付東風莫開好
眼前多是異鄉人。

旅思

二月天涯旅思交。輕寒惻惻雪纔消。一庭芳草客惆悵。
幾點杏花春寂寥。何處借風吹好夢。有時聽雨度清宵。
自從江令魂銷後。縹緲雲山不可招。

送徐敬侯北上

萬里金臺第一程。好風吹送布帆輕。山從北去多高勢。

笏山詩集卷一

水向東流帶別情。王粲依人吟賦久。祖生先我著鞭行。
應憐寂寞空齋裏。獨自攤書對短檠。

夏夜獨坐

獨坐空庭月漸明。一聲聲聽一更更。日來暑氣從何去。
時有涼風向夜生。執扇罷搖憑手嬾。葛衣新浣覺身輕。
吟餘緩步重廊下。幾陣蘭香透鼻清。

九日偕卓履翁樓逸亭登鹿鳴山

聯屐高攀最上頭。關河極目又深秋。山無位置團圓繞。
水不調停細碎流。白髮偏能追落帽。青年容易感登樓。
故園此日西風裏。多少黃花寂寞愁。

東許殺翁

幽居咫尺會偏疎。別後俄驚一月徂。庭畔梅花憶東閣。
門前柳樹是西湖。定知好句新來有。可許閒人得見無。
我是白家廚下媪。吟來略自解粗粗。

初春郊行

沙岸初乾底樣平。青鞵策策試閒行。二三里外未嫌遠。
五六日來今始晴。柳樹纔鬆開倦眼。梅花蘇醒逗春情。
東風更爲頻粧點。時復幽禽噪幾聲。

修文書院看梅見去歲壁上句復題一絕

往年壁上題新句。無限鄉心爲此花。今日重來花又放。
一身依舊在天涯。

夜雨

笏山詩集卷一

欹枕人無睡。鳴廊雨不休。一聲來耳畔。萬事到心頭。燈
火淒無彩。房櫳冷逼秋。莫言春漏短。消得許多愁。

同豐山登城閒眺至晚乃歸前用唐體後用轆轤

體

地勢當三面。人煙俯萬家。相攜聯屐上。來看夾城花。白
點春深雪。紅飛日暮霞。故鄉無此景。不枉在天涯。
霧重疑成雨。雲多不剩山。一春晴較少。二月晚猶寒。燈
火明歸路。花香送客還。此行良不惡。畱向句中看。

門巷

冷落窮門巷。而今也不同。柳條隨分綠。桃蕊及時紅。世
事吾曾見。春風汝最公。殷勤爲粧點。還似往年中。

村行憇野人家

二月村行好人家處處花花開連屋舍犬吠隔籬笆婦
女窺生客兒童送熟茶姓名勞借問慚愧在天涯

和豐山雨窻靜坐

窻前雨不停靜坐此時情無限惜花意空聞啼鳥聲小
詩吟白傳名酒醉烏程遣此闌干外續紛盡落英

晚步次豐山韻

晚步寧辭遠行行傍夕陽柳堆眉上綠山放額間黃動
裏能涵靜閒中自有忙拈鬚還覓句未厭苦思量

曉過常山

市井蕭疎曉氣寒小舟撐過弔橋灣看來看去無多景

笏山詩集卷一

城外城中盡是山目極愈悲鄉國遠去信安又耳生初

聽土音蠻篙師指點金溪路更在千巖萬壑間

初至開陽同雲間金鶴灘遊慈恩菴普陀巖

憶對篷窻久注神偶來聯屐快幽尋行攀石磴無人迹
靜聽流泉冷客心花事過春紅漸少山容入夏綠初深

千迴百匝齊環繞須爲憑高發朗吟

庭前月月紅偶放

向晚妍花一朵開窻前無伴獨徘徊非關有意畱春住
一名畱春花自是多情待我來冶態獨標紅粉隊新粧宜襯

綠雲堆從今取次掠詩興一歲芳菲十二回

題沈四香清泉白石圖

好是優游吏隱風官閒不礙讀書功近來絕少還鄉夢
泉石分明在眼中

夏日絕句

掠地清風送晚涼闌干獨凭嗅花香西南一角山如畫
半是陰雲半夕陽

驟雨忽晴偶步中庭得句

旋見堦前集水盈又看雲外夕陽明乍晴乍雨天無定
忽熱忽涼衣屢更細草延絲增翠色晚花狼籍墜紅英
披襟小步迴廊側已聽鳴鳩喚婦聲

雨窻獨坐有懷郡城諸子

獨自開窻坐蕭然寡見聞雨聲先到樹山色半歸雲對

笏山詩集卷一

此能愁我因之更憶君不知孤館內幽緒與誰分

舟中偶題

水忽三篙長船將一葉同水深難見石船小易爲風樹
色微茫裏人家倏忽中前程知不遠遙望夕波紅

嚴州道中

雨後山容正杳茫風前水勢更顛狂陰雲幸不遮天滿
漏出斜陽一線黃

江上晚行

柔櫓呀呀破冥烟閒篷不睡對江天風從水面平時起
月向林梢缺處圓古寺鐘聲吟舊句漁舟燈火憶當年
相看一一無分別只自題詩意惘然

丙午秋時先子遊
益川舟中分賦秋

江夜泊先子有月江慘淡漁舟火煙樹橫斜古寺鐘之句遂成絕唱今行富春江中宛然詩境而先子見背數年矣追誦數過爲之泣然

西湖看荷

六月西湖菡萏開輕舟搖過斷橋隈花酣曉日紅侵面葉引清風綠滿杯小酌居然成獨醉高情便與約重來明年此際多應好嫩藕新添處處栽

病起試筆

病起猶然體未嘉起來試筆強塗鴉心情盡爲風痰惱香山詩風痰惱得少心情氣力初因粥餌加幾日閒眠關竹戶一番細雨長秋花無端又觸風塵感去歲而今正憶家

初秋訪嚴丈星標桐峰海珊昆季因次和唐人元

笏山詩集卷十

五

韻

曾共荆高醉放歌別來長憶阻關河定知昨夜燈花喜爲報今朝遠客過病後心情雖日減湖邊景致入秋多相期一棹頻酬唱十里香風入芰荷

仁和沃潤華出詩稿見示時值風雨驟至走筆題

贈潤華名若

落落孤踪旅思深偶從異地得同心多情見我忙傾蓋把臂和君共入林滿篋詩章饒逸氣一窗風雨助豪吟幽居若許頻來往蠟屐無妨日日尋

湖上晚景次韻

水面魚鱗蹙細風雲山無限夕陽中西南一逕湖邊寺

只露林梢半脊紅

閉戶

閉戶無人到塔前蘚暈交小花團露葉高竹禿風梢且自藏吾拙何須解客嘲古人詩數卷吟罷手頻鈔

月下懷揚州兄弟

北望雙魚斷南飛孤雁鳴看雲猶苦憶對月豈無情料此三更後多應一樣明故園如念我知否滯江城

偶步湖上踏月而歸

湖上閒來側帽吟平沙十里草鞭輕夾堤稚柳百千樹噪耳新蟬三兩聲綠水縐時風漸起白烟開處月初生天公似念歸途晚特遣姮娥作伴行

笏山詩集卷十

六

客自湖上歸云放生池芙蓉已開索詩走筆應之

客從湖上來告我芙蓉榮榮疎疎七八枝掩映秋水畔波心曉鏡開嬌容色屢換初見玉脂凝旋看霞色爛西施沉醉時語殊不足贊芙蓉有醉西施之名蓮花貌固佳相對亦顏汗况當八月初未及秋之半而此艷麗姿已供遊人玩芳情定可知欲奪一時冠請君作一詩爲之稍詠歎我素耽豪吟固辭亦虛誕冲口成短歌攤箋閒染翰更期無事時小艇親去看

遊香積寺

古寺深門匝地苔參差殿閣倚高槐鐘聲隱隱飯初罷石逕閒閒僧獨來浮世光陰忙裏過上方花木靜中開

山童更覺人情好雪乳殷勤淪一杯

暑退

暑退涼生感歲華逢秋况值久離家
窻前影落飛桐葉市上香飄賣桂花
閒客到門聽說鬼小爐簇火看煎茶
若非幾度尋消遣應是清愁未有涯

同人至湖上沿堤看秋色晚登四照亭卽事二首

前用唐體後用轆轤體

亭在聖因寺後山上

新堤行接舊堤行

李宮保於金沙港築新堤杭人稱為李公堤

靜愛湖山著

此身一向病愁多負汝偶逢魚鳥倍親人
安排晚景偏宜月點綴秋容欲勝春
忽憶放翁詩句好閒將倦筆與傳神

笏山詩集卷一

七

乘興初登四照亭頻來如煞看山人收將湖上千重翠

併作亭中六曲屏倚檻不知風拂面圓舟應見水生鱗

共言小住爲佳耳鶴唳松吟正可聽

湖上看芙蓉

李宮保新裁

多謝尚書點綴工水芙蓉過木芙蓉客懷暫逐秋花放
醉面遙分晚色紅欄外况當波瀾鏡中閒照影重重
佳葩雜蘂紛如錦一種清新未許同

中秋值雨

悵望嬋娟思極畔廉纖細雨濕中秋已無興盡今宵醉
豈有心擔隔歲憂

俗以今夜月色之有無卜來歲上元之晴雨

桂子不知何處落明珠空向暗中投惟應手撥浮雲散爲放清光照

九州

曉起

曉起東窻下詩成手自刪窻留數眼日門對一眉山
道是渾無事而吾儘未閒明朝更相約高桂一枝攀

湖上逢嚴海珊話舊

一別重逢忽幾年五陵衣馬自翩翩風塵愧我空攜劍
雲路輪君穩著鞭聚散計來眞夢耳死生說到共潸然
話殘日暮分頭去湖面烟生水拍天

同星標海珊朱園看桂

在武林門外

看桂朱園遠不辭城隅西去步遲遲香於半路先迎客
花已全開正及時歸去定拚黃壓帽坐來聊復綠盈卮

笏山詩集卷一

八

明年八月重來未醉裏殷勤賦此詩

得豐山西亭書促予返棹

故人書札苦相催豈不懷歸未得歸此意只應明月曉
夜來常伴夢覓飛

也識

也識西湖好其如作客何山能遮夢斷水不敵愁多雨
後成閒步風前起浩歌夕陽江畔路孤負綠漁蓑

一日

一日又一日萬山重萬山可憐常作客未識幾時還碧
草王孫淚黃金壯士顏囊中詩數卷不忍更多刪

封書

客子淹留劇可憐，獨攜書劍傍江烟。千山更復灤千水，一日真如度一年。夢裏怕聽蕉葉雨，愁中又近菊花天。封書爲報歸期道，須及重陽可著鞭。

九日吳山登高

登高獨上吳山巔，後見湖水前江天。峰巒迤邐翠相延，况當雨後何新鮮。鬱鬱樹木含蒼烟，查牙怪石疑攻鐫。下視萬家烟火連，慈慈鬱鬱斜陽偏。遊人來往遊屐聯，五陵衣馬多翩翩。廣陵孤客誰其憐，踽踽獨行無周旋。因憶去歲龍山前，諸公載酒開華筵。予浮大白興自便，歸來兩頰紅塗胭。寫詩急與奚奴傳，一時和者多名篇。於今屈指纔一年，風流雲散何相懸。諸公行樂應依然，而我畱滯天涯邊。感時撫事涕欲漣，湖山縱好愁難捐。會須火急趁一船，快哉此行如登仙。

江口登舟

江水茫茫一葉輕，倦遊孤客可憐生。多情只有青山好，依舊殷勤管送迎。

飲卓履翁署齋感用轆轤體

竹裏風聲夜寂寥，一尊畱我話書巢。履翁署齋曰讀書巢何曾別後詩能好，祇覺愁多酒易消。門外炎涼嗟可見，眼中清白慎相交。惟應得遇中郎識，不使孤桐歎尾焦。

篷窗卽事

一棹寒江裏，推篷客思慵。朝來半晴雨，天氣逼秋冬。醉

面勾紅葉愁眉，綉碧峰危灘更難。上水石怒相攻。

金溪舟中四絕

推篷遙望思如何，一片秋容寫得麼。樹樹梢梢紅葉亂，山山半半白雲多。

夾岸青嵒斷復連，兩三茅舍自人烟。是誰點出溪邊景，白鷺灘灘一足拳。

萬石灘高水勢雄，布帆無計借東風。回頭却羨山居好，一牯牛騎一牧童。

怪石查牙樹倒垂，元人筆意是耶非。何時了却平生事，來買青囊釣水湄。

雨窓

夢山詩集卷一

十

晚雨廉纖不肯晴，一窓無那十分清。獨從書卷堆中坐，靜聽梧桐葉上聲。三徑半荒黃菊冷，千峯全是白雲平。只應敗盡遊山興，結伴明朝擬出城。

夜來

兩樹梧桐滿院清，每逢風雨盡關情。夜來一陣颼颼響，知是風聲是雨聲。

送曹綸司廣文歸石門

名仔任開化學教諭

曾以文章叩九關，青瑣坐冷一官閒。書猶能讀蠅頭字，老未全衰鶴髮斑。士論共推聞立石，金溪諸生爲廣文勤去思碑君

恩粗報早還山門，前稚子如相候一笑欣然識舊顏。半俸拋來譬似泥，片帆遙指語兒溪。歸家帶得風雙袖，

拄杖閒看雨一犁老去田園知有興舊時鷗鷺重相攜
獨憐年少登樓客悵望迢迢浙水西

夜分不寐聞窗外風雨蕭蕭感而賦之

數載飄飄水上萍天涯已歎異鄉身夜來風雨何開事
愈外梧桐大厭人身不肯停頻入耳睡何曾著獨傷神
故應苦羨坡公語鼻息雷鳴撼四隣

不見

富貴自有時士多感不遇徒使方寸中了然無生趣何
如且置之來吟古人句逢春自發生不見庭前樹

庭前荆棘荒穢命刪除之

簾稍與我剪橋刺與我刪快哉空庭中一望何寬閒

笏山詩集卷一

上

前畱好花相伴有紅顏牆外斬惡竹莫令遮青山

重遊普陀巖次舊韻

半載相思繫客神昔曾遊處好追尋山猶照舊明雙眼
水不停流會此心巖畔綠陰無恙否坡前黃葉已多深
倦來小就僧房坐繞柱重看壁上吟

燈下口占

更點當當睡已遲挑燈猶復寫新詩不知此際峰頭月
上到梧桐第幾枝

許穀翁惠書并寄懷詩次韻奉答

一別秋風又幾時書來妙語解人頤惟應白髮偏憐我
想見黃花正滿籬淡有風情須命酒閒無雜念好吟詩

天南十月還多雁莫厭頻頻寄所思

冬夜讀書有感

風雨聲酣夜倍加半窗燈火客天涯殘書細讀牛毛字
短檠初垂稻穗花飽作蠹魚雖有志拙如鳩鳥已無家
何時買得溪邊屋自在焚香對五車

夜坐懷卓履齋先生

金溪寓中山繞屋坐冷青氈苦幽獨半月蕭蕭雨打窗
中宵颯颯風號竹短檠二尺暗不明此時無限離別情
還自錢唐幾日耳乃復作此山中行山高嶺峻音問濶
終日不聞鴻雁鳴古來此事例作惡而况知我如先生
恐寒不睡惱百慮却聽風聲風轉遽挑燈寫作相思句

笏山詩集卷一

三

何當寄與先生去

薄暮

薄暮寒生一倍加紛紛細雨竹扉斜苔痕漸滿來無客
樹影全疎宿有鴉不耐靜何閒覓句難忘情處苦思家
青童似會無聊意滿耳灘聲報煮茶

行圃

冬日晴猶暖霜餘草尚青偶來看菜甲便與課園丁抱
甕真當勉堆盤亦頗馨淡中滋味好莫去逐羶腥

枕上

小枕爾何劣愁偏爾上多亦知天遠甚其奈夜長何竹
響風初至江鳴水自波床頭孤劍在十載爲誰磨

題吳右江小照

雲水飄然淡若僧野風吹鬢雪崩髻相逢縱未曾相識
知是當年杜伯升

小隱何須一畝宮聊憑妙筆寫幽踪隨身便是逍遙谷
不乏清泉與茂松

卓豐山次毅翁韻作詩寄懷時余歸郡有日矣和
以先之

早是蕭條歲暮時空齋愁寂坐支頤油窗日暖蜂鑽紙
荒院人來犬吠籬客况似僧唯有髮舊遊如夢略存詩
東歸指日回征棹好與挑燈話別思

雷別蘇席生盧若金二廣文

夢山詩集卷一

主

兩月金溪指一彈也無忙處也無閒閉門只自安排句
載酒何曾領略山短棹孤帆行問道千巖萬壑剩開顏
獨憐二老風流在不得幽居共往還

華埠道中

歸到江東也算歸誠齋詩江東歸得未為歸擔書襆被未言非扁舟
泛泛輕於葉柔櫓聲聲快似飛山比來時仍轉瘦水應
雨後旋添肥無須更卽篷窗景近日吟詩興已微

寄懷朱丹麓次豐山韻

返棹山城裏依然客恨縈半生牢落態一種別離情獨
對寒燈坐愁聽夜雨聲裁書報鷓鴣鳥水長欲尋盟

至日書感

物候何常是不嘉羈懷觸緒祇堪嗟寒歸木末全無葉
暖入梅梢漸有花一歲春今回地底八年人尚在天涯
蹉跎又負流光也只恐窮愁髮易華

夜坐觀書

獨自攤書坐夜闌一簾風氣逼人寒殘編戀爾終何用
短褐如余尚不完梅影漸催春意動燈花常伴客心酸
歸歟我識謀生計第一休從故紙鑽

與四香夜坐分韻

共此深更坐幽情一倍增鐘聲忙遠寺夜氣冷孤燈我
是支離客誰爲耐久朋與君驅凍筆鑿破硯池冰

枕上作

夢山詩集卷一

南

雨歇中宵月復明心知欲逗曉來晴瓦溝殘溜能多事
更向愁中滴一聲

雪意

四野雲齊雪意成顛風得計吼窓棉已甘心作屑冰冷
不恨身如病葉零事業略有詩一卷生涯儘辦酒雙罍
醉吟莫道無人賞會有天花落滿庭

醉後讀白集因效其體

無詩亦任寒驢閒有酒能令稿面丹斷簡殘編看過日
纔繒大布著忘寒窮由命賦營何益狂是天生改亦難
醉後獨吟長慶集古人心境本來寬

對雪用東坡聚星堂韻

戶外蕭蕭鳴竹葉，坐來欲深三尺雪。南方氣暖見者稀，狂走兒童叫奇絕。梅萼全封信尚遲，松梢漸重枝愁折。庭前無地不包荒，瓦脊生春旋埋滅。欲將詩句闢深嚴，凍筆難驅如肘掣。向風不覺肌生粟，得酒能令面成頰。相對何妨耐歲寒，附熱趨炎吾豈屑。君看疇昔月如晝，曉來雲暗忽飄瞥。人間富貴正如此，日下冰山那忍說。明當高臥不出門，一任布衾寒似鐵。

除夕次朱丹麓韻

景物匆匆逼歲徂，旅愁無賴不支吾。一年已盡猶爲客，四壁皆空尚索逋。伴我飄零殘卷帙，耐人捐棄舊桃符。尋思不及春前柳，明日新陽又醒蘇。

笏山詩集卷一

五

笏山詩集卷第二

江都 申甫 及甫

五日雪中同卓履翁朱丹老飲沈四香署齋遲盧若金廣文月川孝廉不至次韻轆轤體

花吹玉屑欺紅火，膽斫銀絲買白魚。人似竹林剛欠阮，若金月川有籍咸。酒傾蕉葉略同蘇，翻嫌麗句來驚座。之分時在座五人，只聽清言勝讀書。我輩風流須記取，亡遺火急共追摹。人日大晴同朱丹麓過卓豐山齋頭畱飲

天爲憐人特做晴，草堂故事許追尋。酒何須醉毋多酌，詩不能工且復吟。入座斜陽移樹影，半庭殘雪界牆陰。風光正好流連得，莫更無端惱客心。

笏山詩集卷二

五

春雪次韻

半月春回信尚賒，苦寒無賴十分加。龍公試手先行雨，天女多情更散花。似與空庭增點綴，却看老樹失查牙。清吟不用忙呼酒，消盡盧仝七椀茶。

初春絕句

嬾廢吟詩病廢行，與春無分悔多情。西南一逕苔如染，羅綺繽紛自出城。

浩蕩郊原又作春，一枝梅瘦獨傷神。紛紛盡是繁華主，想被東風冷落人。

趙姬墓次趙恒夫黃門韻 并引

明衢州守瞿公有姬人趙氏廣陵人妙音律尤精

琵琶歸二年卒葬城西鹿鳴山側黃山趙恒夫黃門賦詩弔之刻石寺壁吾友盧月川見之吟玩不能自已遂和其韻且謂余曰與君有桑梓之戚尤未可以默默也亦賦一首

幽花滿路傍寂寞無人憐
行行過古墳荒烟淡欲滅不見錦鴛鴦
空飛白蝴蝶別辭讀殘碑慘然滋不悅難留塞北花
易盡江南雪至今山下泉空學絃聲咽我本廣陵人
飄零正愁絕睹此一心傷題詩弔重穴應憐碧草多
啼盡王孫血

二月十三日雨中作

日日風兼雨春剛一半銷
簾前花掃地門外水平橋
不

窮山詩集卷二

三

是看書卷將何慰寂寥
小窗愁欲暮霽色故相撩

春日登城

城上春光刺眼新
女牆無事倚閒身
都忘去國懷鄉恨且作隨鶯伴
蝶人柳向風前多意緒
花於雨後倍精神
誰憐漫綠妖紅外更有高樓別貯春

許穀翁庭前桃花盛開用輓輓體

戶外桃初放門前柳正濃
全憑一林綠映出數枝紅
曉日臨粧鏡春風掬笑容
芳華猶未老莫惜醉花叢
穀翁尚未

舉子同人多以納妾爲勸故戲及之

同盧月川卓豐山登學後小山看四面桃李盛開
桃李催人火急看便忙也要去偷閒來行下下高路

忽到紅紅白白間
滿地碧苔聊作屬一抔
黃土強名山坐來已是忘
歸晚更欲多情共一攀

清明風雨竟日悶坐不出

盡日東風柳脚斜
孤愁不爲在天涯
清明例是紛紛雨紫陌誰憐處處花
局戶亦知非上策衝泥其奈阻來車
月川約遊鹿鳴山不果
明朝縱有晴時候人面依稀事已差
月川面依稀又一年之句

雨晴散步至溪上則花事已空春意索然矣

睡覺東窗日影高
起來閒步到溪橋
亦知天得新晴好其奈春因積雨銷
樹上已無紅一點堤邊剩挂綠千條
徘徊獨自還歸去
賴有啼鶯破寂寥

窮山詩集卷二

三

是日過豐山齋中畱飲

銀燭光中夜漏遙
聽窗前竹響風梢
心情剩欲從詩遣塊壘還須借酒澆
顧我崎嶇眞可笑與君貧賤得相交
今宵莫怪狂如此
無限青春已盡拋

咏蝴蝶花

新晴特地一花開
知爲先生勸酒來
可是隔簾看最好
春風欲動每疑猜
鬢自微拳翼自張
輕塗膩粉點嬌黃
最憐一種多情甚不肯雙飛過別牆

同月川思安飲履翁署齋一日之間雨晴屢易履翁有詩次韻

喚得閒人共一觴捲簾促坐話家常千絲屋角收殘雨
一線山腰漏夕陽大抵浮雲多變態可憐吾輩獨清狂
匆匆又見春歸矣點檢紅芳屬野蒿

春日思歸次履翁韻

野馬奔騰歎隙光愁腸大不可詩腸頻年客裏過三月
何日江邊趁一航素志未酬青箬笠舊遊空憶紫絨韉
故園兄弟何曾夢春草新生又滿塘

雨意

早黃梅細雨時旅愁離恨共絲絲雖無置處貧如此
帶漸寬來瘦可知小檻獨憑人散後重簾不捲燕歸遲
心情大比常年城硯匣塵封嬾作詩

笏山詩集卷二

七月

七月新涼傍葛衣孤吟剩覺俗情稀亂莎經雨和愁長
落葉隨風作態飛去歲正爲湖上客小舟常是醉中歸
雲踪雪跡何由定此際空堂對夕暉

八月十三日對月

小院花陰滿空廊柱影移看來明燭髮坐到冷浸肌欠
缺何須恨團圓故有期聊當一尊酒相對剖哀梨

物此

周牧園齋中賞雞冠花各以其字爲韻

蕭蕭落葉吹秋天公漸放草木閒雞冠於此乃得志
含霜滛露開容顏深紅淺紫各新樣榮如雲際排仙班

就中一種寶瓔珞備極天巧非人間意或丹山五色之
彩鳳德輝偶覽遊塵寰喚作雞冠蓋誤耳細思名義眞
無關主人置酒邀客賞花屏曲曲相回環我雖飲僅三
蕉葉對此不醉寧非慳歸時更與乞殘錦作詩一洗荆
與菅

得序東杭州書并舟中近作十首字句清絕讀之
頗忘連日肺病也

冷坐空堂落葉深喜傳門外尺書臨寄來詩句清於水
想見人情重似金展卷頓忘連日病挑燈便與徹宵吟
平生竊有知音感絃外還應細細尋

九日登鹿鳴山次西亭韻

笏山詩集卷二

五

竹外淙淙澗水鳴坡前策策草鞋行從來遇事心偏嬾
每到尋山體便輕衆嶺迢遙環郭去一峯孤峭與雲平
今朝合有登高興莫動天涯倦客情

同月川過華嚴禪院訪悅公上人走筆賦贈

偕得巢居不出門方丈棹偶聞客至笑相迎老憑佛力
扶身健靜對秋光借集眼明上八年九十五雙閑話更端
來妙旨俗緣難斷是詩情紛紛應接何曾暇如在山陰

道上行

十月八日同四香月川飲履翁署齋履翁有詩和

韻

烟起茶爐細細浮小橋獨木渡寒流庭多翠竹能延客

徑有黃花欲展秋意興不曾因老減工夫那用向詩求
冷官自有蕭然致空使人人歎白頭

寒夜靜坐有感

靜坐聽殘漏空堂獨夜深半簾寒月色千里故園心壯
志空磨劒孤懷悔贖琴近來詩過少愁絕不成吟

正月初八夜見月

雲際光徐吐花間色正新一年初見月千里未歸人客
舍清無伴僧房冷結鄰遙憐素娥意虛爲十分春

許穀齋索賦春菊

正月黃花吐艷姿折來剛伴早梅枝誰言冷落離邊物
也有春風得意時

笏山詩集卷二

題卓豐山扇

欹枕落花幾片殘春裏裏青苔蝴蝶不知春去多情猶
自飛來

暮春齋中

日永空齋趣味長體輕新換夾衣裳稱心文字何妨少
隨意詩篇未苦忙翠竹簾櫳晨氣潤綠陰庭院午風香
勞生尚怪雙飛燕又帶片泥點畫梁

偶閱堯峰類稿中有讀宋人詩絕句云唱得吳歛

迥不同石湖別自擅宗風楊尤果與齊名否如此

論量恐未公似非至論豈堯峰吳人故有是語耶

平生我亦愛清新但覺千秋有定評楊陸同時皆敵手

文章何處著鄉情

題王山人心也畫竹

奇峭一片石蕭疎數竿竹緬昔文湖州能事推所獨王
郎知何人揮毫寫寒玉傳之百餘年補綴尚成軸而我
細覽觀筆意頗不俗交柯與亂葉根源了可嚼簌簌疑
風篩隱隱如霧縠况本有虛心何妨多節目若遇玉局
翁賞音定所屬作詩爲品題允矣冠茲幅

王陶野大令以詩見贈次韻送之金溪

老輩今餘幾匆匆語離交情三世訂先生與家維岳
通岳兩孝廉公
都門文字一言知面爲吟詩瘦官因愛酒辭萬山園
子裏何處寄相思先生罷官後僑居金溪今將歸老關中

笏山詩集卷二

豐山歸水西同人畫芍藥於扇頭題詩贈別

誰爲婷婷寫艷姿幾番催作送行詩世間離別關渠事
不獨無情是柳枝

送卓履齋先生歸水西次東別韻

繞屋梅花索笑頻尊前聊作夢中身詩吟不倦常終日
客至無多只數人此日秋風吹別去他時夜月與愁新
江頭一帶迴環水應爲依依繫遠神

急流勇退更誰歟先生奉文行取引年力辭白髮歸來興有餘兩漿

去搖湖上月一竿時釣水西魚安排樂事開花徑收拾

閒身着草廬却是旅愁無賴甚倦遊誰復念相如

次韻許穀翁木芙蓉

木犀已過菊纔芳秋事憑誰共主張裁處正須常近水
看來却是最宜霜似醒如醉嬌多態乍白還紅巧弄粧
有三辭一種世誇桃李豔只將顏色媚東皇

暮過許毅翁署齋口占

幽居咫尺間吾見乃亦罕故特鮑叔知不責嵇生嬾
冷淡足爲歡豈必定杯酒夜話竹窗前短檠眞耐久

和四香對菊韻

署冷宜栽菊蕭疎一逕賒便如高士宅只欠短籬遮靜
坐無餘事相看獨此花晚香殊耐久吟罷漫思家

西亭以九月二十四日城西看菊詩見示次韻

已過重陽九日期寂寥芸館耐棲遲只疑獨坐懷三徑

笏山詩集卷二

八

那意豪吟對短籬老圃蕭疎無限韻晚香零落不多枝
平生謬有柴桑興也學蠻箋和此詩

秋晚偶作

九月又將盡蕭蕭秋意闌日子愁裏過書是病中看戶
外山容瘦堦前木葉乾典衣猶未贖久坐怯新寒

冬夜獨坐聞窗外雨聲偶成五字

獨坐三更悄人如已出家有愁供雨點無喜到燈花冷
硯墨全凍殘箋字半斜句成還自笑作此淡生涯

謁趙清獻公祠

宋室多名相清風最所欽隨身惟一鶴此外但餘琴諫
草平生事焚香五夜心至今瞻拜處不受點塵侵

甲寅人日飲四香書屋

淨拭軒窗眼界明一年人日喜新晴梅初放後寒猶在
雪漸消時暖欲生瓮酒拆泥餘臘味鱸魚入饌助詩情
時以此今朝不合還無句急索花箋取次成

上元夜次東坡韻

悄悄上元夜靜對短檠燈酸風凝面額冷氣生衣稜鄰
家作時節簫鼓並舍與酒香撥臘雪人歡融春冰而吾
此獨坐罷講雲堂僧何如出門去火樹方千層道中多
綺羅雲髻高翳髻風光亦足樂豈必吾廣陵歸來夜未
央明月當頭升故衾還獨展一覺何膏肓

春日衢州城外晚眺

笏山詩集卷二

九

春入郊原暖天容淡沲中柳絲低拂水花片遠隨風好
鳥啼高樹飛鳶起半空夕陽明滅外人影亂匆匆
晚愛村墟好炊烟縷縷飛老翁呼鴨去童子跨牛歸作
客眞無謂爲農亦未非幾時江水畔自在掩柴扉

贈星標嚴丈

莫厭袍同草樣青身閒贏得戶長扃高談麈尾揮千古
小字蠅頭寫六經得句有時呼阿買看花連日抱添丁
平生我亦羅豪甚常向齋厨索酒瓶

浮石潭學唐人體

浮石潭水悠悠一片石水上浮水流日夜向東去浮石
依然此間住

題王君畫鶴

十年名字滿江東，握手欣然古寺中。
寫出平生飛動意，翩翩一鶴上凌空。

六月五日晚酌

炎威初歛晚庭空，屋角猶餘夕照紅。
風靜始知團扇力，日長例罷短檠功。
旋移小酌臨階下，忽見新蟾入酒中。
得句未妨呼筆硯，矮箋勻碧寫匆匆。

苦熱

今年季夏時暑毒，亦太劇伏地金氣藏。
燒天火雲赤，曠野人迹稀。
良田龜兆坼，到處苦鬱蒸。
我居况逼窄，酷吏逞嚴威。
烈日肆炮炙，無風到庭戶。
有汗透絺綌，對案不

笠山詩集卷二

十

欲飽持杯旋復擲，極思逃醉鄉。
其奈非酒客，平生喜吟吟。
近亦廢典籍，發狂每大叫。
傍徨連日夕，滿意盼新秋。
爲我解此厄，如何七月交。
尚作十日隔，七月十日立秋白帝駕遲遲。
炎官傘赫赫，願言陳綠章。
通明乞闔澤，一雨送秋來。
暑虐盡驅斥，原頭土塊滋。
堦前薜蘿碧，雲破遠天青。
微露月半壁，爽籟散竹梧。
涼颼入几席，揮扇手漸閒。
染翰意自適，作詩謝天公。
賸有冰雪格。

許穀翁以詩餉桃次韻奉謝

桃李公門遍栽培，意獨親樹疑天上有。
花愛雨中新綠結，離離實紅看漸漸。
勻摘嘗先稚子分，餽及比鄰七顆來。
珍重長篇更雅馴，瓊瑤雖自愧承好。
意偏真，來詩有瓊瑤君

筆底

晨起過柯南陔先生署齋

新秋天氣佳，偶出趁清曉。
曉陰一逕微，香露流蔓艸。
刺啄叩松扉，主人驚客早。
呼童旋煎茶，竹外烟裊裊。
手出黃絹辭，風流剛二老。
以和卓履翁奇懷詞見示雅誦久循環，芳馨襲懷抱。
從容問奇字，指示析微渺。
冰霜繞齒牙，不以俗事撓。
遂令塵土胸，障礙一時掃。
須臾朝日上，團圓出林表。
昔荷羅盤食，畱我與共飽。
平生如老崔，頗笑窮百巧。
更期古栢陰，晚來看參昴。

送沈雪莊歸雲間

咫尺幽居抵對牀，何須五字咏韋郎。
春燈焰落彈碁久，夜雨聲多說話長。
正喜心情同冷淡，却愁離別太匆忙。
何應念我思家意，滿箴烟波寫故鄉。
時惠畫扇

新秋對月

纔入秋來月便明，山齋岑寂坐三更。
窻移素影娟娟淨，瓦弄寒烟冉冉生。
香篆漸消知夜永，井花微漱覺神清。
乘風更欲飄然去，玉宇瓊樓自在行。

中秋菱湖步月

老柳蕭疎曲畔平，痴雲散盡晚風輕。
偶逢月出人皆出，但覺人行月亦行。
林外一燈矜小燭，水中孤影鬪雙清。
嬋娟最愛今宵好，緩步歸來已二更。

葉匡林孝廉園中看秋色